

आकाशवाणी

- प्रधानमंत्री नरेन्द्र मोदी होर अज्ज उत्तर प्रदेश ते मध्य प्रदेश दे दौरे उप्पर होगन। मोदी होर वाराणसी च 3 हजार 880 करोड़ रुपें दी बक्ख-बक्ख विकासशील परियोजनाएं दा आगाज करंगन।
- 26/11 मुम्बई हाले दे मुख साजिशकर्ता तहब्बुर राणा गी राष्ट्रीय जांच एजेंसी दी 18 दिनें दी हिरासत च भेज्जी दिता गेआ ऐ।
- राष्ट्रपति द्रोपदी मुर्मू होरें गलाया जे ऐ जे भारत यक्कोतक्की दे माहौल च बी प्रगति दी मसाल बनियै उभरा रदा ऐ।
- बिहार ते उत्तर प्रदेश च भारी बरखा करी तबाही मची।
- राष्ट्रपति डोनाल्ड ट्रम्प होरें गलाया जे 9 जुलाई तग्गर अमरीका कन्ने समझौता नेई करने आहले मुखे उप्पर इक बारी फही पारस्परिक टैरिफ लाया जाग।
- भारतीय पुरुष टीम नै तीरंदाजी प्रतियोगिता च विश्वकप च अपनी थाहर पक्की करी लेई ऐ।

<><><><><><>

PM

प्रधानमंत्री नरेन्द्र मोदी होर अज्ज उत्तर प्रदेश ते मध्य प्रदेश दे दौरे पर होंगन। मोदी होर वाराणसी च 880 करोड़ रुपे दी लागत दिएं बक्ख-बक्ख विकास परियोजनाएं दा नीह पत्थर ते उद्घाटन करंगन। इनें परियोजनाएं च बुनियादी ढांचा विकास तमे शिड़क राबता शामिल न।

इस मौके उत्तर प्रधानमंत्री नरेंद्र मोदी होर रिंगरोड ते सारनाथ दे बश्कार इक्क शिड़क पुल, शैहर दे भिंखारीपुर ते मन्डुआड़ी क्रासिंग उत्तर फ्लाईओवर ते वाराणसी अंतरराष्ट्री हवाई अड्डे उत्तर एन.एच-3 उत्तर 980 करोड़ रपे शा मती दी लागत आहली इक हाईवे अंडरपास शिड़क टनल दा बी नीह पत्थर रक्खंगन। एहदे मगरा दपैहरी प्रधानमंत्री होर मध्य प्रदेश दा दौरा लांगन ते ईसागढ़ च गुरुजी महाराज मंदरै च दर्शन ते पूजा करंगन। मोदी होर आनंदपुर धाम च इक्क सार्वजनिक कार्यक्रम च शामिल होंगन ते लोकें दे कट्ठ गी संबोधित करंगन।

<><><><><><>

NIA-Rana

राष्ट्रीय जांच एजेंसी एनआईए नै 26/11 दे मुम्बई हमले दे मुख्य साजशकर्ता तहव्वुर राणा गी जंदी संज्ञा नमीं दिल्ली पुज्जने दे तुरत मगरा औपचारिक तौरा पर गिरफ्तार करी लैता। पाकिस्तानी मूल दा कनाडाई नागरिक राणा गी मेडिकल जांच लेई लेता गेआ ते फी कल रातीं पटियाला हाउस च विशेष एनआईए जज दे सामने पेश कीता गेआ। अदालत नै उसी राष्ट्रीय जांच एजेंसी दी 18 दिनें दी हिरासत च भेजी दिता ऐ। ओहदे उत्तर डेविड कोलमैन हेडली उर्फ दाउद गिलानी ते लश्कर-ए-तैयबा ते हरकत-उल-जिहादी इस्लामी आतंकवादी संगठनें ते होर दुए पाकिस्तान स्थित साजिशकर्ताएं कन्नै मिलियै 2008 च मुम्बई च होए दे आतंकी हमले गी अंजाम देने दी साजिश करने दा दोष ऐ। इस विनाशकारी हमले च 166 लोकें दी मौत होई गेई ही ते 238 शा मते लोक घायल होई गे हे।

<><><><><><>

President-Murmu

राष्ट्रपति द्रौपदी मुर्मू होरें गलाया ऐ जे यक्को-तक्की कन्नै भरोची दी अज्जा दी दुनिया च भारत प्रगति दी इक शानदार मिसाल ऐ।

उनें कल बराती सलावा च विदेश मंत्रालय आसेआ आयोजित स्लोवाकिया भारत बपार मंच दौरान बोलदे होई एह गल्ल आक्खी। मुर्मू हों स्लोवाकिया दे उद्योगें गी मेक इन इंडिया कार्यक्रम च हिस्सा लैने दा बी साददा दिता। राष्ट्रपति मुर्मू होरें आखेआ जे स्लोवाकिया अपने कार्यबल दी जरूरतें गी पूरा करने लेई विदेश च कुशल ते महनती पेशेवरें दी तपाश करा 'रदा ऐ। उनें इस गल्ला पर बी जोर दिता जे भारतीय प्रतिभा स्लोवाकिया दे आर्थिक विकास च महत्वपूर्ण योगदान देई सकदी ऐ। एहदे मगरा राष्ट्रपति मुर्मू होरें बरातीसलावा च भारतीय समुदाय गी बी संबोधित कीता।

<><><><><><>

Bihar-Rain

बिहार च पिछले 24 घंटें दौरान बरखा सरबंधी घटनाएं च 58 लोकें दी जान चली गई ऐ। भारी बरखा, तेज रफ्तार हवा ते बिजली चमकनै दे चलदे राज्य च तबाही मची दी ऐ जेदे च जान-माल दा नुकसान, संपत्ति ते फसलें दा भारी नुकसान होआ ऐ। मती गिनतरी च नुकसान नालंदा जिले च होआ ऐ जित्थे राज्य च कंद दे ढेई जाने करी ते रूख-बूहटें दी जद च औने करी 22 लोकें दी मौत होई गई। उत्थे गै राज्य च कंद, रूख-बूट्टे दे जडें थमां ढेई पौने ते बिजली पौने करी 35 लोकें जान मोआई ऐ। पटना, गोपालगंज, मुनगर, समस्तीपुर, जहानाबाद, मुजफ्फराबाद, अररिया, बेगसराय ते कई होर जिलें थमां बी नुकसान दियां खबरां थोइयां न।

<><><><><><>

UP-Rain

उत्तर प्रदेश च बी कल बरखा कन्नै जुड़ी दी घटनाएं च घटोघट 22 लोकें दी जान गई ऐ। इन्दे च 5 महिलां शामिल न। मुख्यमंत्री योगी आदित्यनाथ होरें पीड़ित परोआरें गी 4 लख रुपे दी सीधी सहायता देने दी घोषणा कीती ऐ।

<><><><><><>

Trump-Tariff

अमरीकी राष्ट्रपति डोनाल्ड ट्रम्प होरें आखेआ ऐ जे ओह 9 जुलाई तगर अमेरिका कन्नै समझौता नेई करने आहले मुख्य पर परतिये पारम्परिक टैरिफ लांगन जिसलै 90 दिनें दा समां खत्म होई जाग। मंत्रिमंडल दी इक बैठक दे मगरा ट्रम्प होरें आखेआ जे अस्स ओह सौदा नेई करदे सकदे, जेड़ा दोनै धड़ लेई खरा नेई होऐ ते स्थिति अनुकूल नेई होने दी सूरत च अस्स वापस पारम्परिक टैरिफ उप्पर चली जागे। राष्ट्रपति ट्रम्प होरें सब्बनै बपारिक सांझेदार मुख्य थमां आयातें लेई टैरिफ गी रोकने दी घोषणा कीती जिनें परतै च अमरीकी समेयान पर जवाबी कार्रवाई नेई कीती। इन्दे च तकरीबन 75 मुख्य शामिल न, जिनें गी कुसै किस्म दे सौदे पर गल्लबात करने लेई ट्रम्प शासन तगर एहदे पर आपसी समझौता करने दा रस्ता अपनाया ऐ। भारत-अमरीका कन्नै दवख्या बपार समझौते पर चर्चा करारदा ऐ।

<><><><><><>

HM-Drug

केंद्री गृह मंत्री अमित शाह होरें आखेआ ऐ जे मोदी सरकार पूरी ताकत कन्नै ड्रग माफियाएं गी खत्म करारदी ऐ।

सोशल मीडिया पोस्ट च एजेंसिएं दे यत्न दी सराहना करदे होई शाह होरें आखेआ जे नशामुक्त भारत बनाने दे नजरिये कन्नै देश दियां एजेंसियें ड्रग माफियाएं दी नकेल कसने लेई बड़्डे सतर उप्पर अभियान चलाए न ते 24 करोड़ 32 लख रपे दी लागत दी 30 इशारिया 4 किलोमीटर मेथम फेटामाइन दी गोलियां जव्त कीतियां न, जदके असम च 3 लोकें गी बी गिरफ्तार कीता गेआ ऐ।

<><><><><><>

Archery-World Cup

तीरंदाजी च भारतीय पुरुष रिकर्व टीम जेदे च धीरज बोम्म देवरा, अतनु दास ते तरुणदीप राय शामिल न, तीरंदाजी विश्व कप स्टेज-1 दे फाइनल च पुज्जी गे न। एह मुकाबले अमरीका दे फ्लोरिया च होआ रदे न। कल रातीं सेमीफाइनल च इन्हें स्पेन गी 6-2 कन्नै हराया ऐ। तारें संज्ञा फाइनल च ओह चीन कन्नै मुकाबल खेड्ढगन। इस थमां पैहले भारती टीम नै क्वार्टर फाइनल च इंडोनेशिया पर 6-2 कन्नै जित हासल कीती ही।

<><><><><><>

IPL

आई.पी.एल क्रिकेट च जंदी रातीं एम चिन्नास्वामी स्टेडियम बेंगलुरु च दिल्ली कैपिटल्स नै रायल चैलेंजर्स बेंगलुरु गी 6 विकेटें कन्नै हराई दिता। रायल चैलेंजर्स बेंगलुरु नै पैहले बल्लेबाजी करदे होई 20 ओवरें च 164 रन्ज बनाए। लक्ष्य दा पिच्छा करदे होई दिल्ली कैपिटल्स नै छड़िद्ययां 4 विकेटां गोआइये 17 ओवरें ते 5 गेंदें च 169 रन्ज बनाइयै एह मुकाबला जिती लैता। अज्ज चेन्नई दे एम.ए चिदंबरम स्टेडियम च चेन्नई सुपर किंग्स ते कोलकाता नाइट राइडर्स बश्कार संज्ञा साड्डे 7 बजे मुकाबला होग।

<><><><><><>

Odisha-Ayushman

सार्वभौमिक सेहत सेवाएं दी दिशा च इक ऐतिहासिक गें दे तौरा पर ओडिशा अज्ज इक एकीकृत यूनिफाइड स्वास्थ्य बीमा योजना आयुष्मान भारत-प्रधानमंत्री जन आरोग्य योजना शुरू करोग। केंद्री सेहत मंत्री जे.पी नड्डा अज्ज दपैहरी कटक च इक कार्यक्रम च इस योजना दी शुरूआत करोआन। एहदे अलावा राज्य सरकार दी स्वास्थ्य योजना गोप्रबंधु जन आरोग्य योजना ते नमें सिरेआ शुरू कीती गेदी आयुष्मान वाचो वंदना योजना गी बी इस पैहलकदमी च शामिल कीता जाग। सरकारी सूत्रें दस्सेआ ऐ जे इस एकीकरण कन्ने इक करोड़ 8 लख परोआरें दे तकरीबन 3 करोड़ 52 लख लोकें गी इस संयुक्त योजना दे तैहत कवर कीता जाग।

<><><><><><>